



NASIONALE SENIOR SERTIFIKAAT-EKSAMEN  
NOVEMBER 2018

**GESKIEDENIS: VRAESTEL I**

Tyd: 2 uur

100 punte

---

**LEES ASSEBLIEF DIE VOLGENDE INSTRUKSIES NOUKEURIG DEUR**

1. Hierdie vraestel bestaan uit 5 bladsye. Maak asseblief seker dat jou vraestel volledig is.
  2. Lees die vrae noukeurig deur.
  3. Beantwoord **EEN** vraag uit Afdeling A, en **EEN** vraag uit Afdeling B.
  4. Akkurate en voldoende feitelike kennis is noodsaaklik; die vermoë om relevante inligting krities te gebruik om vrae te beantwoord is net so belangrik.
  5. Begin elke vraag op 'n nuwe bladsy.
  6. Nommer jou antwoorde presies soos die vrae in die vraestel genummer is.
  7. Dit is in jou eie belang om leesbaar te skryf. Werk op 'n geordende wyse en bied jou antwoorde so netjies as moontlik aan.
-

**AFDELING A      BEREDENEERDE OPSTEL**

Beantwoord **EEN** vraag uit hierdie afdeling.

'n Beredeneerde opstel wat bewys lewer van ontleding, interpretasie, verduideliking en argumentering word verlang. Dit moet ongeveer 800–900 woorde lank wees. **(Jy hoef nie 'n woordtelling in te sluit nie.)**

**TEMA                      DIE KOUE OORLOG****VRAAG 1**

Was die Verenigde State se beleid van insluiting in Duitsland tussen 1945 en 1949 doeltreffend?

[70]

**OF**

**TEMA                      ONAFHANKLIKE AFRIKA****VRAAG 2**

Was Mobutu Sese Seko suksesvol om die politieke, ekonomiese en sosiale uitdagings van die middel-1960's in Zaïre te bowe te kom?

[70]

**OF**

**TEMA                      DIE EINDE VAN DIE KOUE OORLOG EN 'N NUWE WÊRELDORDE: 1989 TOT DIE HEDE****VRAAG 3**

Het Mikhail Gorbachev se hervormingsbeleide bygedra tot die val van die Sowjetunie teen 1991?

[70]

<b>70 punte</b>
-----------------

**AFDELING B      UITGEBREIDE SKRYFSTUK**

Beantwoord **EEN** vraag uit hierdie afdeling.

Die uitgebreide skryfstuk moet ongeveer 350–400 woorde lank wees. Gebruik jou eie kennis; jy mag ook na die stimulus verwys om die vrae te beantwoord. **(Dis nie nodig om 'n woordtelling in te sluit nie.)**

**TEMA      DIE KOUE OORLOG****VRAAG 4**

Die foto hieronder wat in die laat 1960's geneem is, toon 'n Verenigde State-seesoldaat wat by Viëtnamese kinders staan en toekyk hoe hul huis afbrand na 'n Geallieerde patrollie.



[Bron: <<https://theintercept.com/2017/09/28/the-ken-burns-Viëtnam-war-documentary-glosses-over-devastating-civilian-toll/>> (Verkry 22 November 2017)]

Verduidelik die belangrikheid van die Verenigde State se militêre taktiek in die konflik in Viëtnam tussen 1961 en 1969 deur die volgende vrae te beantwoord:


- (a) Hoekom het die Verenigde State toenemend betrokke geraak by die 1961-konflik in Viëtnam?
- (b) Watter militêre strategieë het die Verenigde State tussen 1961 en 1969 in Viëtnam geïmplementeer?
- (c) Hoe suksesvol was die militêre strategieë wat die Verenigde State tussen 1961 en 1969 in Viëtnam geïmplementeer het?

**[30]**

OF

**TEMA ONAFHANKLIKE AFRIKA****VRAAG 5**

Die kaart hieronder toon die militêre optrede deur die Kubane in suidelike Angola tydens die "Angolese oorlog" in die laat 1980's.



[Bron: <<http://cpcml.ca/Tmlw2015/W45035.HTM> > (Verkry 22 November 2017)]

Verduidelik die rol wat die Sowjetunie en Kuba in die "Angolese Oorlog" van die 1980's gespeel het deur die volgende vrae te beantwoord:

- Hoekom het die Sowjetunie en Kuba by die "Angolese Oorlog" betrokke geraak?
- Wat was die aard van die militêre betrokkenheid van die Sowjetunie en Kuba in die "Angolese Oorlog"?
- Wat was die belangrikheid van die Sowjet- en Kubaanse betrokkenheid in die "Angolese Oorlog"?

**[30]**

OF

**TEMA**            **DIE EINDE VAN DIE KOUE OORLOG EN 'N NUWE WÊRELDORDE: 1989 TOT DIE HEDE**

**VRAAG 6**

Die foto hieronder toon betogers met skedelmaskers om hul protes teen die IMF en Wêreldbank te dramatiseer tydens 'n anti-globalisasie optog in Manila in die Filippyne.



[Bron: < <http://www.gettyimages.it/evento/protests-against-the-imf-world-bank-meeting-71920118?#an-indonesian-protester-takes-part-in-an-antiimf-and-world-bank-in-picture-id71913013>> (Verkry 22 November 2017)]

Verduidelik hoe Westerse kapitalistiese organisasies daarin kon slaag om die globale ekonomieë te oorheers deur die volgende vrae te beantwoord:

- (a) Verduidelik wat die IMF en Wêreldbank is en wat tot hul stigting gelei het.
- (b) Hoe oorheers die IMF en Wêreldbank globale ekonomieë?
- (c) Watter impak het die oorheersing van die IMF en Wêreldbank op globale ekonomieë gehad?

**[30]****30 punte****Totaal: 100 punte**